

Overdraft krediti berish to'g'risida kredit shartnomasi № _____

_____ shahri. 20__ yil _____.
"Saderot bank" aksiyadorlik jamiyatining _____ (keyingi o'rinlarda-Bank) Nizom hamda
20__ yil _____. dagi ____-sonli ishonchnoma asosida ish olib boruvchi boshqarub raisi-
_____ bir tomondan va _____ da yashovchi,
_____ tomonidan ____ yilda berilgan № _____ pasport
ma'lumotlariga ega _____ (keyingi o'rinlarda-Kredit oluvchi)
ikkinchi tomondan ushbu shartnomani quyidagilar haqida tuzdilar.

1. Shartnoma predmeti

- 1.1. Bank Kredit oluvchiga _____ so'm (plastik kartaga o'rnatiladigan limit) overdraft krediti ajratadi.
- 1.2. Ushbu shartnomaga asosan Bank plastik kartochkasi saqlovchisiga tovarlar (ishlar, xizmatlar) uchun to'lovlarni amalga oshirish uchun o'rnatilgan limit doirasida Bank plastik kartochkasi hisobvarag'idagi qoldiq mablag'idan ortiq miqdordagi mablag'ni ishlatish huquqini beradi.
- 1.3. Overdraft ____ oydan iborat bo'lgan imtiyozli davr bilan ____ oy muddatga ajratiladi.
- 1.4. Overdraft bo'yicha qarz qoldig'iga yillik ____ % hajmida foiz hisoblanadi. Muddati o'tgan asosiy qarzдорlik uchun yillik ____ % hajmida foiz hisoblanadi. Foiz to'lovlari kredit asosiy summasining kamayib boradigan qoldig'iga xisoblab yoziladi.
- 1.5. Overdraft asosiy qarzi (overdraft limiti) ajratilgan sanadan 2 oy o'tgandan so'ng har oyda kamaytirib boriladi. Overdraftni qaytarish davriyligi ushbu shartnomaga asosan har oyda bir marta oyning ____-sanasida amalga oshiriladi.

2. Tomonlarning huquqlari va majburiyatlari

2.1. Bankning huquqlari:

- 2.1.1. Kredit oluvchining to'lov layoqatini, overdraft ta'minoti yetarliligini nazorat qilish, Kredit oluvchidan majburiyatlarni bajarish yuzasidan kerakli hujjatlarni so'rab olish.
- 2.1.2. Overdraftning navbatdagi qismi o'z vaqtida so'ndirilmagan hollarda:
 - a) Overdraft yoki uning bir qismi muddati o'tgan to'lovlar hisobvarag'iga kiritilgan sanadan boshlab overdraft uchun haqni oshirilgan foiz stavkasi bo'yicha, muddati o'tgan qarz summasidan yillik ____ foiz hajmida belgilash;
 - b) Kredit oluvchidan overdraftning qarz qoldig'ini muddatidan oldin qaytarish va foizlarni to'lash yuzasidan darhol choralar ko'rishini talab qilish;
 - d) qonunchilikka muvofiq, overdraft bo'yicha qarzni so'ndirish uchun ta'minotga qaratish borasidagi har qanday huquqlardan foydalanish;
 - e) ushbu shartnomani belgilangan tartibda bekor qilish.
- 2.1.3. Kredit oluvchi ushbu Shartnoma shartlarini qanday bajarayotganligini tekshirish.
- 2.1.4. Kredit oluvchi overdraft bo'yicha asosiy qarz va foizlarni qaytarishning belgilangan muddatlariga amal qilmasa Bank qonunchilikda belgilangan tartibda tegishli choralar ko'radi.
- 2.1.5. Bank o'z majburiyatlarini bajarish uchun shartnoma bo'yicha barcha zarur ma'lumotlarni amaldagi qonunchilikda belgilangan tartibda uchinchi shaxslarga topshirishga haqli.

2.2. Kredit oluvchining huquqlari:

- 2.2.1. Overdraft shartnomasi loyihasini bank tashqarisida tanishib chiqish va maslahatlashish uchun olib ketish.
- 2.2.2. Overdraft shartnomasi imzolanganidan keyin, biroq pul mablag'lari haqiqatda olingunga qadar Overdraft olishdan biron-bir to'lovlarsiz voz kechish.
- 2.2.3. Overdraft qarzдорligini Shartnomada belgilangan muddatlardan avval qisman yoki

to'liq qaytarish.

2.2.4. Bank tomonidan overdraft shartnomasi o'zgartirilishi kutiladigan hollarda bu haqda kamida 5 kun oldin axborot olish.

2.2.5. Sug'urta kompaniyasini tanlash.

2.3. **Bankning majburiyatlari:**

2.3.1. Kredit oluvchiga _____ so'm overdraft ajratish.

2.3.2. _____ overdraft hisobvarag'i ochish.

2.3.3. Bank mijozning shaxsiy ma'lumotlariga O'zbekiston Respublikasining amaldagi qonunchiligiga muvofiq ishlov beradi.

2.4. **Kredit oluvchining majburiyatlari:**

2.4.1. Overdraft olingunga qadar kredit qaytarilishi ta'minoti sifatida overdraftning 130 % dan kam bo'lmagan _____ so'mlik

_____ (garov ta'minoti turlarining biri ko'rsatiladi) ni qonun hajjatlari talablariga muvofiq va Bankni qanoatlantiradigan shaklda rasmiylashtirib taqdim etadi.

2.4.2. Overdraft va unga hisoblangan foizlarni 20__ yil __ _____ dan boshlab har oyning _____ sanasida so'ndirib borish.

2.4.3. Har oyda, overdraft bo'yicha navbatdagi to'lovlarni Bankda Kredit oluvchi nomiga ochilgan maxsus plastik karta hisobvarag'iga oldindan, asosiy qarz va foizlar bo'yicha navbatdagi to'lov muddati kelgunicha kiritib borish.

2.4.4. Overdraft munosabatlari jarayonida kredit masalalari yuzasidan zarur bo'lgan har qanday axborotni Bankning talabiga ko'ra unga taqdim etish.

2.4.5. Kredit bo'yicha asosiy qarz va unga hisoblangan foizlardan qarzdorlik yuzaga kelgan taqdirda, Bank tomonidan qarzdorlikni ikki tomonlama solishtirish dalolatnomasi Kredit oluvchiga taqdim qilingan yoki uning yashash manzili yuborilgan taqdirda, ushbu solishtirish dalolatnomasini 3 (uch) kalendar kunida shaxsiy imzo bilan tasdiqlab, uning bir asl nusxasini Bankka yetkazib berish.

Bank tomonidan Kredit oluvchiga taqdim qilingan yoki yuborilgan qarzdorlikni ikki tomonlama solishtirish dalolatnomasi yuqorida belgilangan muddatda Kredit oluvchi tomonidan imzolanmagan va Bankka yuborilmagan taqdirda, ushbu dalolatnoma Kredit oluvchi tomonidan tan olingan hamda imzolangan hisoblanadi.

2.4.6. Turar joyi, ish joyi, familiyasi yoki ismi o'zgarishi kutilayotgani, shuningdek mazkur shartnoma bo'yicha majburiyatlar bajarilishiga salbiy ta'sir ko'rsatishi mumkin bo'lgan boshqa vaziyatlar to'g'risida ko'pi bilan 3 kun ichida Bankka xabar berish.

2.4.7. Ushbu shartnoma amal qiladigan muddat mobaynida Kredit oluvchi Bankning roziligisiz ushbu shartnoma bo'yicha Kredit oluvchining majburiyatiga nisbatan ustivor talab qilish huquqiga ega bo'lishi mumkin bo'lgan uchinchi tomonlarning kreditlari yoki qarzlarini jalb qilmasligi kerak.

2.4.8. Xizmat ko'rsatish va ko'rsatilayotgan xizmatlar sifatini yaxshilash maqsadida mijoz o'ziga tegishli shaxsga doir ma'lumotlarga (shaxsiy ma'lumotlarga) Bank tomonidan ishlov berilishiga, qayta ishlanishi, foydalanishi va uchinchi shaxslarga, shuningdek, ushbu shartnoma bo'yicha ma'lumotlarni kredit byurosi, sug'urta kompaniyasi va boshqa shaxslarga taqdim etilishiga o'z roziligini beradi.

3. **Kredit oluvchining kafolatlari**

3.1. O'zbekiston Respublikasi Fuqarolik kodeksining 783-moddasi hamda "O'zbekiston Respublikasida naqd pulsiz hisob-kitoblar to'g'risida"gi Nizom (Adliya Vazirligida 13.04.2020 yda 3229-son bilan ro'yhatdan o'tgan) talablariga asosan, Kredit oluvchi ushbu bilan Bankka shartnoma bo'yicha to'lov majburiyatlarini bajarish maqsadida zarur bo'lgan to'lovlarni amalga

o'shinish uchun Kredit oluvchining Bankda va/yoki har qanday boshqa bankda ochilgan har qanday hisobvaraqlar va bank kartalaridan istalgan valyutadagi mablag'larni Kredit oluvchini topshirig'i va/yoki qarzdorlikni tan olganligi to'g'risida yozma xat va/yoki yozma roziligini olmasdan Bank foydasiga akseptsiz hisobdan chiqarish to'g'risida qonuniy, qaytarib bo'lmaydigan huquqni beradi.

4. Tomonlarning javobgarligi

4.1. Tomonlarning ushbu shartnomada ko'zda tutilgan majburiyatlarni bajarishdan bosh tortishi ushbu shartnoma shartlari va O'zbekiston Respublikasining amaldagi qonunchiligiga muvofiq javobgarlikka tortiladi.

5. Korrupsiyaga qarshi shartlar

5.1. Taraflar ushbu Shartnomani tuzishda, Shartnomaning amal qilish muddatida va ushbu muddat tugaganidan so'ng, Shartnoma bilan bog'liq korrupsiyaviy harakatlarni sodir qilmaslikka kelishib oldilar.

5.2. Taraflar ushbu bo'limdagi korrupsiyaga qarshi shartlarda belgilangan korrupsiyani oldini olish choralarini tan oladi va ularga rioya etilishi bo'yicha hamkorlikni ta'minlaydilar.

5.3. Har bir taraf ushbu Shartnoma tuzilgan paytda bevosita o'zi yoki uning ijroya organlari, mansabdor shaxslari va xodimlari tomonidan shartnoma bilan bog'liq munosabatlar yuzasidan qonunga xilof ravishda pul, moddiy qiymatliklar berilmagani, Shartnoma tuzilishi evaziga norasmiy pul yoki boshqa moddiy qiymatliklar olinishiga yo'l qo'yilmagani, taklif etilmagani, ularni berishga va'da qilinmagani, shuningdek, moddiy yoki har qanday turdagi imtiyoz, ustunliklar olinmaganini (kelajakda bu turdagi harakatlarni amalga oshirishi mumkinligi haqida taassurot qoldirilmaganini) kafolatlaydi.

Taraflar, ular tomonidan Shartnoma doirasida jalb qilingan shaxslarning (yordamchi pudratchi tashkilotlar, agentlar va taraflar nazorati ostidagi boshqa shaxslar) yuqoridagi harakatlarni sodir etmasligi yuzasidan oqilona choralar ko'radi.

5.4. Taraflar o'zlarini, shuningdek, o'zining ijroya organlari, mansabdor shaxslari va xodimlari tomonidan har qanday vaqt va shaklda harakatlarni bevosita yoki bilvosita (shu jumladan, uchinchi shaxslar orqali) sodir etilishiga, jumladan qonunga xilof ravishda olingan daromadlarning legallashtirilishiga, shuningdek, agar mulk jinoiy faoliyatdan olingan daromad ekanligi taraflarga ma'lum bo'lsa, uni o'tkazish, mulkka aylantirish yohud almashtirish yo'li bilan uning kelib chiqishiga qonuniy tus berish, bunday pul mablag'lari yoki boshqa mol-mulkning asl xususiyati, manbai, turgan joyini, tasarruf etish, ko'chirish usulini, pul mablag'lariga yoki boshqa mol-mulkka bo'lgan haqiqiy egalik huquqlarini yoki uning kimga qarashlilikini yashirishga yo'l qo'ymaydilar. Shuningdek, taraflar korrupsiyaga oid huquqbuzarlik sodir qilish uchun ta'magirlik qilish, undash, tazyiq o'tkazish yoki tahdid qilish holati bo'yicha bir taraf ikkinchi tarafni hamda vakolatli davlat organlarini darhol xabardor qilishi shart.

5.5. Taraflar tovarlar, xizmat va ishlarni realizatsiya qilish va o'tkazish, bitimlar tuzish bo'yicha muzokaralar olib borish, litsenziya, ruxsatnomalar va boshqa ruxsat etish xususiyatiga ega bo'lgan hujjatlarni olishda yoki ularning manfaatlarini ko'zlab boshqa harakatlarni amalga oshiruvchi taraflarning nazorati ostida bo'lgan va ular nomidan harakat qiladigan shaxslarga (shu jumladan, yordamchi pudratchilar, agentlar, savdo vakillari, distribyuterlar, huquqshunoslar, hisobchilar, ular nomidan harakat qiluvchi boshqa vakillar) nisbatan quyidagi harakatlarni amalga oshirishi shart:

- korrupsiyaviy harakatlarga yo'l qo'yib bo'lmazligi va korrupsiyaviy harakatlarga nisbatan murossasiz munosabatda bo'lishi shartligi haqida ko'rsatmalar va tushuntirishlar berish;
- ulardan korrupsiyaviy harakatlarni amalga oshirish uchun vositachi sifatida foydalanmaslik;

- ularni faqat tarafning kundalik faoliyati jarayonidagi ishlab chiqarish zarurati doirasidan kelib chiqib ishga jalb qilish;

- ularga qonunchilik doirasida amalga oshirgan xizmatlari uchun belgilangan haq miqdoridan asossiz ravishda ortiqcha to'lovlarni amalga oshirmaslik.

5.6. Taraflar ularning nazorati ostida bo'lgan va ular nomidan harakat qiladigan shaxslar tomonidan korrupsiyaga qarshi shartlarda belgilangan majburiyatlar buzilganligi holatlari haqida xabar berilganligi uchun ularga tazyiq o'tkazilmasligini kafolatlaydi.

5.7. Agar bir tarafga boshqa tarafning ushbu bo'limda belgilangan har qanday shartning buzilishiga yo'l qo'yganligi ma'lum bo'lib qolsa, ikkinchi tarafni bu haqda zudlik bilan xabardor qilishi va tegishli choralar ko'rilishi va amalga oshirilgan ishlar yuzasidan xabardor qilishni talab qilishi shart.

Tarafning talabi bo'yicha tegishli choralar ko'rilmagan yoki ko'rib chiqish natijalari haqida xabardor qilmagan taqdirda, ushbu taraf Shartnomani bir tarafdama to'xtatib turish yoki bekor qilishga, hamda zararni to'liq qoplab berishni talab qilishga haqli.

6. Shartnomaning amal qilish shartlari

6.1. Ushbu Shartnoma imzolangan kundan boshlab kuchga kiradi va Kredit oluvchi overdraftni va uning foizlarini to'laguniga qadar hamda tomonlarning o'z zimmlariga olgan majburiyatlari to'liq bajarilguniga qadar amal qiladi.

6.2. Bank overdraft berish bo'yicha o'z majburiyatlarini bajarguniga qadar Shartnoma tomonlardan birining yozma arizasiga ko'ra bekor qilinishi mumkin.

6.3. Shartnomaning bekor qilinishi tomonlarni shartnoma kuchida bo'lgan davrda vujudga kelgan majburiyatlarni bajarishdan ozod etmaydi.

6.4. Kredit oluvchi Bankning yozma rozilgisiz mazkur shartnoma bo'yicha o'z huquq va majburiyatlarini uchinchi shaxslarga o'tkazishga haqli emas.

6.5. Mazkur Shartnoma bo'yicha nizolar paydo bo'lgan hollarda tomonlar o'rtasidagi nizo O'zbekiston Respublikasining amaldagi qonun hujjatlariga amal qilgan holda belgilangan tartibda hal etiladi.

6.6. Ushbu shartnomaga o'zgartish va qo'shimchalar har ikki tomon imzolaydigan qo'shimcha bitim bilan rasmiylashtiriladi.

6.7. Shartnoma bir xil yuridik kuchga ega bo'lgan ikkita bir xil nusxada, har bir tomon uchun bittadan tuzildi.

BANK:

“Saderot bank” AJ

Manzil: _____

Stir: _____

Telefon: _____

Boshqaruvchi

Bosh buxgalter

Bosh yuristkonsult

Qarz oluvchi:

F.I.SH: _____

Manzil: _____

Telefon: _____

Pasport ma'lumotlari:
